

ESTEVERIN (Jean), notaire de Villemur, Villemur -sur-Tarn, minutes 1636-1639, f° 594 & ss., Archives départementales de la Haute-Garonne, cote 3 E 21818, PH/JCHR/550.

(...)

Chaubard, testament

Au nom de dieu soit scaichent tous
presens et advenir que l **an mil six cens trente neuf**

.....
appres midy^(*) **au lieu des filholz et ma(is)on du testateur**
cy appres nomme au consulat de villemur diocese bas
montauban e(t)eneschaucee de th(ou)l(ous)e regnant n(ot)re
souverain et tres chrestien prince louis par la grace
de dieu roy de france et de navarre pardevant
moy notaire roial soubssigne e(t)p(re)ns les tesmoins
bas nomes a este en personne **anthoine**
chaubard vieulx forgeron habitant dudit lieu
des filhols lequel estant dans ung lict a la salle
de ladite ma(is)on dettenu de maladie de son corps
mais par la grace de dieu en son bon sens
jugement, memoire, et cognoissance, bien voyant
oyant et parlant, po(ur) estre d autant mieux
disposé lors qu()il plairra a dieu le retirer
de ce monde po(ur) l appeller a soy a de son bon
gre pure e(t)franche volonte non seduit induit
ny suborne de personne comme a dict fait
et ordonne son testament nuncupatif et dispo(siti)on
derniere de ses biens en la forme suivante
premierement led(it) chaubard c()est recommande
a la misericorde de dieu et humblement supplie
luy vouloir pardonner ses peches et recevoir
son ame en son paradis, ordonnant led(it) testateur
qu()incontinant appre son deces son corps soit
ensevely au **cimetiere s(ain)t jean** dud(it) villemur

.....
595

en la forme de la religion catholique romaine
et que ses honneurs funebres soient faittes a la
volonte de **jeanne pegue sa femme** laquelle
led(it) testateur veult que soit tutrisse et administreresse
des personnes et biens de leurs enfans sans qu()elle
soit tenue de rendre aucung compte des revenus
qui luy demeureront et appartiendront a elle tant
que sesd(its) enfans seront en pupilarite a la
charge de les nourrir et entretenir et lors
que leurs enfans et hoirs bas nommes auront
attaint l eage de qutorse ans venant a prendre

le regisme de leurs biens ilz seront tenus
nourrir et entretenir lad(ite) pegue leur mere
qui demeurera avec eulx vivant en vefvage
a donne et legue led(it) testateur a **anthoinette
chaubard sa fille** et de lad(ite) pegue la somme
de soixante livres que ly sera paiee par
ses freres hoirs lors qu()elle viendra a se
colloquer en mariage et jusques a ce lad(ite)
anthoinette chaubard sera nourrie vestue et
entretenu par sesd(its) freres hoirs a la charge
de demeurer avec eulx ensemblement avec
leurd(ite) mere et de travailler au proffict desd(its)
hoirs et au moien dud(it) leguat lad(ite)]pegue[chaubard ne
pourra au(tr)e chose prethendre sur les biens

.....

et heredite dud(it) testateur et pareillemant a
donne et legue led(it) testateur en cas sa femme seroit
enceinte au postume ou postumes sy sont
filles a ch(ac)une la somme de soixante livres
paiable lors qu()elles viendront a se marier et
seront nourries et entretenues par lesd(its) hoirs [*comme*]
lad(ite) anthoinette chaubard, sans pouvoir demander
rien de plus a leurs freres et hoirs et en
tous et ch(ac)uns les biens noms droictz
voix et actions en quoy que concistent]led[
dud(it) anthoine chaubard testateur icelluy
a faictz et nommes po(ur) ses hoirs universselz et
generaux **jean et au(tr)e jean chaubard ses
enfants** et de lad(ite) pegue sa femme et le postume
ou postumes sy sont males que sad(ite)
femme peult porter par esgalles portions
a partager ses biens et heredite et en pouvoir
fere et disposer e la vie et a la mort
et insi led(it) chaubard a ordonne
son testament nuncupatif lequel il veult
que sorte a son plain et entier effect par
la meilleure forme de droict et a cest
effect a casses et annulles to(us) testamens
et disp(ositi)ons qu()il peult avoir sy devant

.....

596

faittes sy a pries les tesmoings appellees a sa
requi(siti)on e(t) par luy recogneus de ceste sienne disp(ositi)on
estre memoratif po(ur) sy besoing estoit en rendre
tesmoniage et a moy d(it) no(tai)re m a requis luy en
rettenir instrument ce qu ay faict ez p(rese)nces de
pol bosquet de villemur signe, jean gardettes
d(it) combe d alba dud(it) villemur, michel benech
jean chaubard anthoine e(t) pierre ramondz

freres et pierre chaubard travailleurs dud(it) lieu
des filhols qui ont dit ne scavoir signer
comme aussi led(it) testateur ne sçait n ayant treuve
aud(it) lieu d autres tesmoings po(ur) signer et moy
no(tai)re requis ./

Bousquet, p(rese)nt

Esteverin, not(aire)

() L'indication du jour & du mois est ici omise.
Cet acte est doit être daté du **19** ou du **20 novembre**.*